

S21 Blues No 4

Pit Bäuml April 24

OB Nopper schwärmt: Kelchstütza, wow dia sent
a Pilgerort für Technik, a echtes Monument,
a Wahrzeicha für's Städtle, des isch ihm wirklich wichtig!
Doch Milliona Fahrgäst übersieht `r flüchtig:
was isch, wenn die Superhalle Starkrega überschwemmt?
Oder uf de enge Bohstoig, wenn's do onda brennt?
Doch tief em Bohhof onda, von do ertönt es nur:
Erfolgserebnis pur!

Mr hert ja scho seit Jahren: jetz goht's bald en Betrieb.
Doch Probleme ohne Ende, s klappt halt net auf n Hieb.
Ond 8 Gleise weret knapp do onda sei -
Vielleicht nomol en Tunnel, Ergänzungsbohnhof zwei?
Modernster Bohhof-Start Johr om Johr verschoba
No nutzt ma halt doch weiter da Kopfbohnhof do oba.
Doch tief em Bohhof onda, von do ertönt es nur:
Erfolgserebnis pur!

Erst waret's 4 Milliarden, was des kosta soll
mit m Batza Geld wird dieser Tiefbohnhof ganz toll.
Doch dobei isch's net blieba – jetz streitet se sich sehr,
weil's 10 Milliarden sent, wo nehmet mr dia her?
Dr Bohvorstand kriagt Boni, do klingelt d Kass net schlecht,
ond dr Steuerzahler letschtlich dia Milliarden blecht.
Doch tief em Bohhof onda, von do ertönt es nur:
Erfolgserebnis pur!

Ond was hot d Boh versprocha: des Ganze baua mir
mit einer Super-Technik, ja was glaubet ihr,
des wird a Super-Knota em schnella Fernverkehr,
für so en Tiefbohnhof muaß nur des Beste her!
Mir setzet neue Maßstäb mit Technik digital -
leider wird's jetz doch a Engpass ohne ETCS-Signal.
Doch tief em Bohhof onda, von do ertönt es nur:
Erfolgserebnis pur!

Ja wenn du jetzt denkst: nicht zu glauben, / was die da treiben,
die Logik von denen, die ist / wirklich extrem.
Du denkst, grundsätzlich kann das / so nicht mehr bleiben,
das Ganze ist doch faul / bis ins System -
dann musst du Rebell sein...
von links rebellieren...